

**2018-imi akileraarutitigut ilanngaatisat il.il. imatut angissusilerneqarnissaannik
Inatsisartut aalajangiinissaannik siunnersuut:**

1. Inummut ilanngaat	kr. 48.000 (ukiumut)
2. Ilangaat aalajangersimasoq	kr. 10.000 (ukiumut)
3. Aningaasarsiat B-t akileraaruteqaataasussaannngitsut	kr. 5.000 (ukiumut)
4. Killilimmik akileraartussaataasut ilanngaataat	kr. 1.000 (ukiumut)
5. Kommunitut ataatsimut akileraarut.....	6%

(Aningaasaqarnermut Akileraartarnermullu Naalakkersuisoq)

pillugu

Aningaasaqarnermut Akileraartarnermullu Ataatsimiititaliap

siunnersuutip aappassaaneernejarneranut

ISUMALIUTISSIISUTAA

Ataatsimiititaliap suliarinninnermini ilaasortarai:

Inatsisartunut ilaasortaq Hermann Berthelsen, Siumut, siulittaasoq
Inatsisartunut ilaasortaq Sara Olsvig, Inuit Ataqatigiit, siulittaasup tullia
Inatsisartunut ilaasortaq Anders Olsen, Siumut
Inatsisartunut ilaasortaq Nikkulaat Jeremiassen, Siumut
Inatsisartunut ilaasortaq Aqqaluaq B. Egede, Inuit Ataqatigiit
Inatsisartunut ilaasortaq Niels Thomsen, Demokraatit
Inatsisartunut ilaasortaq Jens Napaattooq, Parti Naleraq

Ulloq 24. maj 2018-imi siullermeerinninnerup kingorna ataatsimiititaliap siunnersuut misissorpaa.

1. Siunnersuutip imarisaa siunertaalu

Naalakkersuisut siunnersuutigaat 2019-imut akileraarutitigut ilanngaatisat il.il. 2018-imut sannilliullugit allannguuteqassanngitsut. Tamatuma peqatigisaanik kommuninut ataatsimut akileraarut allanngortinneqassanngitsoq siunnersuutigineqarpoq. Ilangaatit il.il. ataasiakkaat erseqqinnerusumik eqqartorneqarnerat, atuuffii kiisalu ukiuni siusinnerusuni angissusilerneqarsimani eqqarsaatigalugit ilanngussaq 1 innersuussutigineqarpoq, soorlutaaq 2019-imi aningaasarsiat tunngavissaattut naatsorsuutigisat ilanngussaq 2-mi nassuiaatigineqartut.

2. Siunnersuutip Inatsisartunit siullermeerneqarnera

Siullermeerinninnermi siunnersuut nalinginnaasumik tapersernejarpog. Siunnersuut siullermeerneqarmat Naalakkersuisunit imaaliallaannaq akineqarsinnaanngitsunik arlalinnik apeqquteqartoqartoq ataatsimiititaliap paasivaa.

3. Siunersuineq

Siunnersuutip suliarinissaanut ataatsimiititaliaq piffissakitsuararsuusimavoq, siunnersuullu annertuumik isumaqataaffiummat ataatsimiititaliaq amerlanngitsunik apeqquteqartariaqarsimavoq Naalakkersuisumik siunersuinnermi akineqartussatut kissaatigineqartunik. Naalakkersuisut akissutaat ataatsimiititaliamit tusaatissatut tigueqarpoq. Ataatsimiititaliap apeqqutai Aningaasaqarnermullu Naalakkersuisup akissutai isumaliutissiisummut uunga ilanngussatut ilanngunneqarput.

4. Ataatsimiititaliap siunnersuummik suliarinninnera

Siuliani oqaatigineqartut siunnersuut siullermeerinninnermi nalinginnaasumik tapersernejartoq ataatsimiititaliap paasivaa. Sammisat apeqqutilluunniit siullermeerinninnermi saqqummiunneqartut ataatsimiititaliap siunnersuummik matuminnga suliarinninneranut toqqaanartumik kinguneqanngillat. Sammisat saqqummiunneqartut siumut sammisuupput aammalu isertitanut-, akileraarutinut akitsuutinullu tunngasunik imaqarlutik, taamaattumillu siunnersuutip aappassaaneernejarnissaa sioqqullugu tamakkiisumik oqaaseqarfiginissaasa Naalakkersuisunit angumerineqarsinnaanera ataatsimiititaliap isumaa malillugu naatsorsuutigineqarsinnaanani.

Tamatuma saniatigut sammineqartut allanut tunngatillugu, assersuutigalugu 2019-imi aningaasanut inatsisissatut siunnersuutip isumaqatigiinniutigineqarnerani tikinneqanngitsoortussaa gunanngillat.

Pissutsit marluk Aningaasaqarnermut Naalakkersuisumit siunissami qaninnerpaami assut pingaartinneqartussatut ataatsimiititaliamit kissaatigineqartut siunnersuummik suliarinninnermini ataatsimiititaliap qitiutillugit sammivai.

Sulinermut ilanngaatip atuutilersinneqarnissaata sulissutiginera piaartumik siuarsarniarneqarnersoq paasissallugu ataatsimiititaliamit pingaartinneqarpoq. Siunersuinnermi siuliani taaneqartumi Aningaasaqarnermut Naalakkersuisup allakkatigut taavaa tamatuma sulissutiginera ukioq manna angumerineqarsinnaanngitsoq, ukiulli tulliani (2019) sulineq aallartinneqalersaartoq. Tassunga atatillugu ataatsimiititaliamit eqqumaffigeqquneqassaaq siunnersuutip taamaaqataa (UPA 2017/12) pillugu Aningaasaqarnermut Naalakkersuisup aappassaaneerinnissamut akissuteqaammini paasissutissiisutigimmagu sulinermut ilanngaammik aningaasalersueriaaserineqarsinnaasut assigiinngitsut misissoqqissaarnerat ingerlanneqartoq. Taamaattumillu sulinerup tamatuma pingaartinneqarnerulernissaa aammalu aningaasat ukiuat 2019 aallarnerfigalugu ilanngaatip atuutilereernissaata sulissutigineqarnissaa ataatsimiititaliamit kissaatigineqarpoq. Naalakkersuisullu oqaatigaa sulinermut ilanngaat ukiamut saqqummiunneqassasoq, 2019-imi atuutilernissaa pissammat.

Alla ataatsimiititaliamit qitiutillugu sammineqartoq tassaavoq minnerunngitsumik inummut ilanngaatic aammalu ilanngaatic aalajangersimasup akissarsiat akillu ineriartornerannut malinnaatinneqarsimanninnerat. Ilanngaatic taakku marluk 2005-imili iluarsiiisuteqarfigineqarsimannigillat. Taamaalillunilu ilanngaatic assut nalikilliallassimallutik. Tamatuma aaqqiiviginisaata Aningaasaqarnermut Naalakkersuisumit sulissutigineqarnissaa ataatsimiititaliamit kisaatigineqarpoq.

Siuliani allassimasut tunngavigalugit ataatsimiititaliaq isumaqarpoq aaqqiissutissamik oqimaatigiissaakkamik, sulisartut sulinermikkut isertitaqarnissamut kajumissuseqarnissaannik siuarsaataallunilu ilanngaatic nalikilliarnerannik unitsitsinermigut isertitakinnerpaanut iluaqutaasussamik nassaartoqartariaqartoq.

5. Siunnersuutip aningaasaqarnikkut kingunerisassai

Siunnersuutip aningaasaqarnikkut allaffissornikkullu kingunerisassai pillugit siunnersuuteqartup naatsorsuutigisaanut Aningaasaqarnermut Akileraartarnermullu Ataatsimiititaliaq oqaaseqaatissaqanngilaq.

6. Ataatsimiititaliap inassuteqaatai

Tamanna tunngavigalugu **siunnersuut akuerineqassasoq** **ataatsimiititaliap isumaqatigiittup** inassutigaa.


Taama oqaaseqarluni isumaliutissiisummilu allassimasutut paasinnilluni ataatsimiititaliap siunnersuut aappassaaniigassanngortippaa.




Hermann Berthelsen,
siulittaasoq



Sara Olsvig




Anders Olsen



Nikkulaat Jeremiassen



Aqqaluaq B. Egede



Jens Napaattoq



Niels Thomsen



Ilanngussaq
Bilag

Inatsisartut Aningaasaqarnermut Akileraartarnermullu Ataatsimiititaliaat

Akileraarutitigut ilanngaatisat pillugit siunersiorneqarnissamut atugassaq

Siunersiuinissamut matumunnga aggeqqusaanera qujassutigalugu, ataatsimiititaliap apeqqtai tulliuuttumi akissavakka.

Brevdato: 25-05-2018
Sags nr. 2018 - 11566
Akt id. 7958841
J.nr. 22.10

P. O. Box 1037
3900 Nuuk

Tel. (+299) 34 50 00

Fax (+299) 34 63 50

E-mail: oed@nanoq.gl

www.naalakkersuisut.gl

Apeqgut 1

Akit nalinginnaasumik ineriartornerat aammalu pisortani atorfillit sulisartullu allat aningaasarsiaasa ineriartornerat akileraarutitigut ilanngaatisat ineriartornerannut sanilliuikkaanni, tamanna qanoq isikkoqarpa?

Akissut

Inummut ilanngaat, nalinginnaasumik ilanngaat aamma kommuninut ataatsimoortumik akileraarut kingullermik 2005-imi allanngortinneqarput, taamani ilanngaatit 8.000 kr.-inik aamma 2.000 kr.-inik qaffanneqarlutik, soorlu kommuninut ataatsimoortumik ilanngaat 4 %-imit 6 %-imut qaffanneqartoq. Tamanna innaallagissamut imermullu assigiimmik akeqartitsinerup atorunnaarsinnera peqatigalugu pivoq.

Atuisunut akit januar 2005-imit januar 2018-imut 32,6 %-inik qaffariarsimapput. Piffissami tassani pisortani isumaqatigiissuteqarfimmi akissarsiat agguaqatigiissillugu 30,6%¹-imik qaffassimallutik.

Nalinginnaasumik ilanngaatip aamma inummut ilanngaatip atuisunut akit ineriartorneri malissimagaluarpagit, nalinginnaasumik ilanngaat ukiumut 13.260 kr.-iussagaluarpoq kiisalu inummut ilanngaat 2018-imi 63.648 kr.-iussagaluarluni. Ilanngaatit taakku marluk pisortani akissarsiat ineriartorneri malissimagaluarpagit, nalinginnaasumik ilanngaat ukiumut 13.060 kr.-iussagaluarpoq kiisalu inummut ilanngaat ukiumut 62.689 kr.-iussagaluarluni. Taamaattumik ilanngaatit neriorneqarsimapput.

¹ Malugiuk pisortani akissarsiat ineriartornerat qaffasinnerulersimasoq, 2018-imi sulisut 2005-imi sulisunit qaffasinnerusumik ilinniagaqarmata, taamaattumillu qaffasinnerusumik akissarsiaqarlutik.

Apeqquut 2

Sulinermut ilanngaat siunnersuummut matumunnga Naalakkersuisunit ilanngunneqalersarpa imaluunniit immikkut inatsisiliornikkut suliarineqartariaqassava?

Akissut

Siunnersuummik matumunnga suliaqarnermut atatillugu Naalakkersuisut sulinermit ilanngaatip ilanngunneqarnissaa siunertarinngilaat. Taamaattumik sulinermit ilanngaammik eqqussineq immikkut suliarineqassaaq.

Naalakkersuisut naalakkersuisooqatigiinnissamut isumaqatigiisummi nalunaarutigaa, sulinermit ilanngaat pillugu siunnersuut 2019-imi saqqummiunneqassasoq kissaatigalugu. Ilangaammik taama ittumik siunertaavoq, akissarsiallit ikiorsiissutinik tigusartagaqarnermit sulinermit akissarsiaqarnissaa piumanerulissagaat. Qulakkeerniarlugu, ilanngaat imaluunniit sulinermit tapiissut anguniakkamik taama ittumik piviusunngortitsissasoq, suliniut sapinngisamik sunniuteqarnerpaatinniarlugu aaqqiissut taama ittoq qanoq ilusilersorneqassanersoq maanna misissueqqissaarnissaa aallartisarneqareerpoq. Matumani, aaqqiisummut toqqarneqartumut aningaasaliisariaasissaaq ilusilersorneqassaaq. Suliaq taanna naammassippat, ilanngaammik atulersitsinissamut siunnersuut pisariaqartoq Naalakkersuisut saqqummiutissavaat.

Suliap aningaasarsianit akileraarutit pillugit inatsimmut sunniuteqalaassasoq kiisalu isumaginninnermut inatsisip aamma sulisoqarneq pillugu inatsisip ilaanut sunniuteqassasoq naatsorsuutigineqarpoq.

Apeqquut 3

Akit qaffariartuinnarnerat sulisartunut ukiumut 350.000,- kr.-inik taakkulu ataallugit isertitaqartunut qanoq sunniuteqarpa aammalu aningaasat pisissutaasinnaasut nalikilliarthornerat akileraarutitigut ilanngaattissat il.il. nalingannut qanoq sunniuteqarpa?

Akissut

Inuit tamarmik, inummut kiisalu nalinginnaasumik ilanngaammik tamakkiisumik atuisut, piffissami tassani kommunimi 42 %-imik akileraarfiusartumiikkunik isertitat atorsinnaasaat ukiumut 7.941 kr.-inik appariarnerat misigisimassavaat. Kommunimi 44 %-imik akileraarfiusartumi kisitsit taanna ukiumut 8.320 kr.-iuvoq. Tamanna tamanut, ukiumut 76.908 kr.-it sinnerlugit isertitalinnut atuuppoq.

Inuk 350.000 kr.-inik isertitalik, allanillu ilanngaateqanngitsoq, taamaasilluni kommunimi 42 %-imik akileraarfiusumi ukiumut 122.640 kr.-inik akileraartarpoq, kommunimilu 44 %-imik akileraarfiusumi 128.480 kr.-inik akileraartarluni.

Ilangaatit atuisunut akit ineriartorneri malissimagaluarpagit, inuk kommunimi 42 %-inik akileraarfiusartumi ukiumut 114.699 kr.-inik akileraartassagaluarpoq, kiisalu kommunimi 44 %-imik akileraarfiusartumi ukiumut 120.160 kr.-inik akileraartassagaluarluni. Taamaasilluni ilanngaatit atuisunut akit malinneranut sanilliullugu inuk ullumikkut ukiumut 7.941 kr.-inik aamma 8.320 kr.-inik akileraaruteqarnerusarpoq.

Inussiarnersumik inuulluaqqusillunga
Med venlig hilsen

Pele Broberg